

Bosna i Hercegovina  
FEDERACIJA BOSNE I HERCEGOVINE  
VLADA  
Ured za saradnju i zastupanje pred  
Ustavnim sudom Bosne i Hercegovine  
SARAJEVO

Bosnia and Herzegovina  
FEDERATION OF BOSNIA AND HERZEGOVINA  
GOVERNMENT  
Office for Cooperation and Representation before  
the Constitutional court of Bosnia and Herzegovina  
SARAJEVO

Broj: 01-04-235/ 22

Sarajevo, 21.07. 2022.godine

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno: 22-07-2022			
Org. jed.	Broj	Priloga	Vrijednost
05/2	-02-	242	122

PARLAMENT FEDERACIJE BOSNE I HERCEGOVINE  
DOM NARODA

n/r Sekretara, Gosp. Izmir Hadživdić

**PREDMET:** Odgovor na delegatsko pitanje

Sekretar Vlade Federacije BiH aktom broj: 03-04-929-4/22 od 18.07.2022. godine dostavio je ovom Uredu delegatsko pitanje, koje je na 19.sjednici Doma naroda Parlamenta Federacije održanoj 07.07.2022.godine postavio delegat Jasmin Duvnjak, a koje se odnosi na broj neizvršenih odluka Evropskog suda za ljudska prava, Ustavnog suda Bosne i Hercegovine i Ustavnog suda Federacije Bosne i Hercegovine, i koje su to odluke i presude.

U vezi sa navedenim dostvaljamo odgovor kako slijedi:

**I. Presude Evropskog suda za ljudska prava:**

**1. Presude Evropskog suda za ljudska prava iz grupe predmeta Đokić i Mago i drugi protiv BiH (ap.br. 6518/04 i 12959/05) od 04.10.2010. i 24.09.2012.god.**

Navedene presude se odnose na prava pripadnika nekadašnje JNA kojima je odbijen zahtjev za povrat u posjed prijeratnih stanova i obavezu isplate naknada za vrijednost stana.

Navedene presude su izvršene u dijelu pojedinačnih naredbi (isplata materijalne i nematerijalne štete za sve aplikante), dok u dijelu generalnih mjera (izmjena relevantnih zakona) iste nisu izvršene.

Izvršenje navedenih odluka u cjelosti uslovljeno je donošenjem izmjena Zakona o prodaji stanova na kojima postoji stanarsko pravo.

## **2. Presuda Evropskog suda za ljudska prava iz predmeta *Hadžimejić i 14 drugih protiv BiH*, ap.br. 46977/15 od 03.11. 2015.godine**

Navedenom presudom je utvrđena povreda prava aplikanata na slobodu i ličnu sigurnost iz člana 5. stav 1. Evropske konvencije iz razloga što njihov smještaj u ustanovu socijalnog staranja nije određen u zakonito sprovedenom postupku, na osnovu odluke nadležnog organa.

Navedena presuda je izvršena u dijelu pojedinačnih naredbi (isplata nematerijalne štete za sve aplikante), dok u dijelu generalnih mjera (izmjena relevantnih zakona) iste nisu izvršene.

Radi sprječavanja budućih povreda prava duševno bolesnih osoba iz razloga utvrđenih u navedenoj presudi moraju se izraditi novi ili dopuniti postojeće zakoni i to: o ustanovama socijalne zaštite Federacije BiH, Porodičnog zakona Federacije BiH, Zakona o vanparničnom postupku, te Zakona o duševno oboljelim osobama, te obezbijediti pokretanje sudskih postupaka zakonitog smještaja ovih osoba u ustanove.

## **II. Odluke Ustavnog suda Bosne i Hercegovine:**

### **1. Odluka Ustavnog suda BiH broj: U-4/04 od 31.03.2006. godine**

Djelomičnom odlukom o dopustivosti i meritumu broj: U-4/04 od 31.03.2006. godine Ustavni sud Bosne i Hercegovine je utvrdio da član 1. i 2. Zakon o grbu i zastavi Federacije BiH nije u skladu sa članom II/4 Ustava Bosne i Hercegovine, u vezi sa članom 1.1. i 2.a) i c) Međunarodne konvencije o ukidanju svih oblika diskriminacije. Parlamentu Federacije BiH je naloženo da, najkasnije u roku od šest mjeseci od dana objavljivanja odluke u „Službenom glasniku BiH“ usaglasi član 1. i 2. Zakona o grbu i zastavi Federacije BiH sa Ustavom Bosne i Hercegovine

Rok za izvršenje odluke je bio 20.12.2006. godine.

### **2. Odluka Ustavnog suda BiH broj: U-15/11 od 30.03.2012. godine**

Navedena odluka se odnosi na prava na naknadu apelantima koji su prijeratni vlasnici ili nosioci stanarskog prava na tzv. JNA stanovima. Ustavni sud BiH, slijedeći praksu Evropskog suda u predmetu Đokić protiv BiH, utvrdio da odredbe člana 39.e st. 3. i 4. Zakona o prodaji stanova na kojima postoji stanarsko pravo u dijelu koji se odnosi na utvrđivanje naknade nisu u skladu sa članom II/3.k) Ustava Bosne i Hercegovine i člana 1. Protokola broj 1. uz Evropsku konvenciju, te je naložio Parlamentu Federacije Bosne i Hercegovine da uskladi ove odredbe u dijelu koji se odnosi na utvrđivanje naknade.